



Baibél Fuain Dólla  
Házir óiye

Zeñtté Alla ye Hárr  
Sis Banaiyé



Lekoya: Edward Hughes

Nokcá tulóiya: Byron Unger; Lazarus  
Alastair Paterson

Borabor goróya: Bob Davies; Tammy S.

Torjuma goroya: John Anwar

Neelaiyé de óilde: Bible for Children  
[www.M1914.org](http://www.M1914.org)

©2022 Bible for Children, Inc.

Laisen: Tuáñttú e kaháni yián neelai bóllea yátou copí gorí bóllea  
hók asé, zetún fóijjonto tuñí yián óre nóo beso.




Añára re hone banaiyé? Allar Kalam yáni Baibéle insán óre hondilla gorí banaiyé de formayé. Yar boóut age, Alla ye foóila manúic banái yóre tar nam Adom hói raikké. Alla ye Adom oré meçí loi banaiyé. Alla ye zettót tar nak bái fúu diyé, te uggwá ziañta manúic ói aiccé. Baade Alla ye taré Edén bagan ot

raikké.



Alla ye Adom oré banaibar age, Íba ye taajuppa sis  
loi bóijja cúnđoijja duniyai re banaiyé. Ekkán baade  
ekkán Alla ye faári zaga, zoóñl, sírifare de fúl,  
gasgusála, fóir óla faik, fuk, fañír januwar, kul or  
januwar beggún banaiyé. Alla ye beggún banaiyé de

hétolla beggún asé.




Ebbere foóila cárut, Alla ye  
honó kessú no banaibár age,  
Alla baade ar honó kessú nu  
accíl. Manúic ó nu accíl, zaga  
yó nu accíl, sis ó nu accíl.

Foór nu accíl ar añdár  
nu accíl. Usol niso,  
aijjá hailla kessú nu  
accíl. Héñtte siríf


Alla accíl de, zibá ttú  
honó cárut nái. Alla ye  
toiyarir cárut goijjé.

Foóilar cárut, Alla ye  
asman edde zobin banaiyé.




Héñtte duniyai súrot sará  
edde háli accíl. Duniyai  
andár lói guijja accíl.  
Ar Allar ruú fanír  
uore sola fíra  
goittóu.


Baade  
Alla ye  
hoódde,  
"Foór  
óuk".



Toi héçe foór óiye. Alla ye foór óre din edde  
añdár óre ráit hoói dhaikké. He din házinna  
edde beéinna accíl foóilar cürur din.




Dusára din ot din, Alla ye asman or nisor faní,  
doriya, hál ekkán baade ekkán toiyair goijjé.  
Tisará din ot din, Alla ye hoódde, "Duniyait  
fúana zaga dahá zouk." Toi héndilla óiye.




Alla ye kér, fúl, zooñl edde gás ókkol  
dahá zai bollá hókum diíl. Ar hé din  
házinna edde beéinna accíl  
tisará din.



Baade Alla ye beil, san, edde  
kiyé goni no fare de héndilla  
tara ókkol banaiyé. Hé din  
házinna edde beéinna accíl  
sair lombór or din.




Fañs lombór or  
din, Alla ye dhoónr  
cónço mas, faik ókkol  
banaiyé. Alla ye hárr  
dhoilla mas banaiyé,  
zobin or fani bóri  
bollá. Ar hárr dhoilla  
faik banaiyé, tará kul  
or uore edde asman or  
uore kúci gorí bóllea.  
Hé din házinna edde  
beéinna accíl fañs  
lombór or din.




Yárbaade, Alla ye abár hoódde, "Zobin ot ziañta jandár ókkol óuk." Baade hárr dhoilla januwar edde fuk ókkol ói aiccé. Héçe dhoóñr áñti, bizi, bañdor, kuñúir, kesswa, surhaça, hossor, bilai edde hárr dhoilla januwar ókkol Alla ye hé din banaiyé.

Hé din házinna edde beéinna accíl só lombór or din.




Alla ye só din ot oinno kessú goijjé - kessú hoilé kessú becí háas. Manúic ólla hárr kessú toiyair óiye. Tar hédmot ólla zobin ot januwar ar hána accíl. Alla ye hoódde, "Añára Añárar súrot lói manúic banai, te duniyait asé de hárr sis or uore rajtri goróuk."

Toi Alla ye Nizor súrot loi manúic banaiyé.




Alla ye Adom oré  
hoódde, "Tóttu  
ziín háítou moné  
hoó híin bagan  
ottú hác. Montor  
gom edde hóraf  
or baabute buddí  
dede gas or gula  
na hác. Zodi  
háile hámaha tui  
mori zabigói."



Baade Alla ye hoódde, "Manúic gaga ón gom noó.  
Añí tallá uggwá modot goróya banaiyúm." Alla ye  
hárr faik edde januwar ókkol Adom  
or hañsé ainné, baade Adome tará  
beggún or nam diyé. Adome yían  
gorát becí sálak óítou fare. Lekin  
faik edde januwar or bútore  
Adom ollá modot goróya  
nu accíl.



Alla ye Adom oré mur gúm ot félaiye. Baade tar céththana ttú ekkán áñddi loi uggwá maiya fua banaiyé. Alla ye banaiyé de maiyafua Adom oré modot gorí bólла borabor óiye.



Alla ye hárr kessú só din or bútore banaiyé.  
Toi Alla ye háñt lombór or din oré mubarek  
banáil edde ziraibár din banaáil. Edén  
bagan ot Adom edde Háwa kúci gorí Alla  
re maintou. Alla tarár Malik accíl,  
Modot Goróya edde Dustó accíl.



Zeñtté Alla ye Hárr Sis Banaiyé


Allar Kalam ottú ekkán kaháni, Baibél,

loot fade

Foidayec Rukú 1-2


"Tuáñr Kalam gólaye foór diye."  
Zobur Córif 119:130





Fúraiye

1



60



E Pak Kitab or kaháni ye aňára re  
aňárár taijjuppa Allar baabute cíkaibou, zibá ye  
aňára re banaiyé edde zibá ye saádde, tuñí Íba re sinó.

Alla ye zane aňára hóraf ham gojjí, ziín óre Íba ye guná hoó.  
Gunár cánza óilde moot, montor Alla ye tuáñre becí muhábbot  
goré de héttolla, Íba ye Íbar siríf ek Fuá Isá re difeçáiyé, taáke  
kúruc ot foran de, edde tuáñr zoriya cánza fa. Baade Isá zinda  
óiyore Íbar ghór ziyán Jonnot híyan ot giyégoi. Zodi tuñí Isá  
uore iman aní, tuáñr gunár maf maiggó de óile, tóoile Íba ye  
tuáñre maf gorí dibou. Íba éhon tuáñr héçe aibou edde f  
úaňti tákibou, ar tuñí Íbar fúaňti zindigibór tákiba.

Zodi tuñí yián sóiyi de biccác goró, toóile Alla re yián hoó:  
Óu adojja Isá, aňí biccác gorí de, Tuñí insán boni duniyat aái  
aňár guná llá foran diyó, edde Tuñí abár zinda óyo. Meérbani  
gorí aňár zindigit aiyó edde aňar guná re maf goró, taáke ehón  
aňí noiya zindigi fai, ar ek din jonnot ot zai Tuáñr fúaňti  
hámica taki fari. Aňáre modot goró, taáke aňí tuáñre  
mani edde Tuañr fua boni taki fari. Aamin

Fottí din Baibél foró edde Alla loi hotá hoó. Yuhúnna 3:16

